

Vischnaunca politica Andiastr

Radunonza communal dils 25 da november 2016

Presents: Suprastonza communal, canzlist ed 11 vischinas e vischins

1. Beinvegni ed elecziun dils dumbravuschs

President communal Sievi Sgier fa in cordial beinvegni tier las fatschentas publicadas. Sco dumbravuschs vegnan Rolf Sgier ed Imelda Vincenz proponi ed elegi unanimamein. Encunter la gliesta da tractandas dat ei neginas objecziuns.

2. Prelecziun ed approvaziun dil protocol dalla radunonza communal dils 26-08-2016

Il protocol dalla davosa radunonza communal dils 26 d'uost 2016 vegn prelegius ed approbaus unanimamein.

3. Presentaziun ed approvaziun dil preventiv communal 2016

Il **quen communal** muossa sco usitau las numerusas spartas, nua che la vischnaunca s'engascha, per tgei ch'is mieds finansials vegnan impundi e cun tgei entradas ch'ins quenta. Sco mintg'onn ei la gronda part dallas expensas pli u meins definadas, quei entras cunvegnas, contracts ni leschas. Aschia resta alla fin el quen current mo ina pintga part da cuosts che sa vegnir influenzada activamein per migliurar il quen final.

Il **quen current 2017** siara suenter expensas da frs. 1'374'650.00 ed entradas da frs. 1'367'206.00 cun in surpli d'expensas da frs. 7'444.00. Amortisaziuns ordinaris sin la facultad administrativa vegnan pridas avon ell'altezia da total frs. 230'000.00.

Il **quen d'investiziun 2017** siara suenter expensas da frs. 1'600'000.00 ed entradas da frs. 390'000.00 cun investiziuns nettas da frs. 1'210'000.00. Las impurtontas investiziuns egl onn 2017:

- sanaziun dalla casa da scola
- sanaziun vias da quartier
- sanaziun vias da funs
- investiziuns plan general dall'aua GWP
- investiziuns plan general d'allontament GEP

Il preventiv dil quen current sco era dil quen d'investiziun 2017 vegnan approvai unanimamein.

4. Fixaziun dil pei da taglia per igl onn 2017

Il pei da taglia actual munta a 125% dalla taglia cantunala sempl. Muort las investiziuns previdas sco sura menziunau eis ei buca previu da sbassar il pei da taglia. La suprastonza communal fa consequentamein la proposta da schar il pei da taglia sin 125% dalla taglia cantunala sempl.

Unanimamein vegn concludiu da fixar il pei da taglia sco entochen dacheu sin 125% dalla taglia cantunala sempl.

5. Elecziuns communalas per la perioda d'uffeci 2017

President communal, Sievi Sgier, fa ina cuorta introducziun en connex cun las elecziuns ch'ei da far questa sera. El informescha che l'entira suprastanza communal ei pronta da star a disposiziun per in'ulteriura perioda d'uffeci. Sulettamein ella cumissiun da gestiun ha ei dau duas abdicaziuns. Numnadamein Rolf Sgier ed Imelda Vincenz.

Ei vegn giavischau da menar atras las elecziuns cun scrutini.

Elecziun dil president communal

Obteniu vuschs ed elegius ei:	Sievi Sgier	13 vuschs
Plinavon han obteniu vuschs:	Tarcisi Dietrich	1 vusch
	cedels vits e nunvaleivels	1

Elecziun da 4 suprastants

Obteniu vuschs ed elegi ein:	Tarcisi Dietrich	15 vuschs
	Conrad Cabalzar	15 vuschs
	Arno Capaul	14 vuschs
	Serafin Spescha	14 vuschs

Per l'elecziun dils ulteriurs uffecis vegn giavischau negin scrutini.

Elecziun da 1 suppleant da suprastanza

Orlando Vincenz ha buca demissiunau e sa pia vegnir reelegius. El vegn reelegius unanimamein.

Elecziun da 3 commembers dalla cumissiun da gestiun

Sco gia suranumnau han Rolf Sgier ed Imelda Vincenz abdicau e stattan aschia buca a disposiziun per in'ulteriura perioda d'uffeci. Guido Sgier ha buca abdicau ed ei reelegibels.

Guido Sgier vegn reelegius unanimamein. Damai che negin stat a disposiziun sto la suprastanza communal a ir silla tscherca da dus ulteriurs revisurs da quen.

Elecziun da 2 commembers dalla cumissiun da baghegiar

Ignaz Alig e Leo Blumenthal han buca demissiunau e san pia vegnir reelegi. Ils dus commembers dalla cumissiun da baghegiar vegnan reelegi unanimamein.

6. Varia

Sievi Sgier informescha davart las suandontas fatschentas actualas:

- Fusiun (votaziun previda la primavera 2017)
- Aquaduct (en planisaziun)
- Casa da scola (tètg, colur, remaduras pintgas)

Finiziun dalla radunonza communal allas 21:30.

Andiast, ils 25 da november 2016

Il president: Igl actuar:

Sievi Sgier

Gian-Luca Lutz